

四川府縣志輯

(新編)

(25)

中國地方志集成

民國北川縣志 (三)

民國內江縣志

道光樂至縣志

光緒續增樂至縣志

中國地方志集成

四川府縣志輯（新編） ②6

民國北川縣志
（三）

民國內江縣志

道光樂至縣志

光緒續增樂至縣志

巴蜀書社 · 鳳凰出版社 · 上海書店

第二十六册

民國北川縣志（二）		一
民國內江縣志		一一七
道光樂至縣志		四六七
光緒續增樂至縣志		六三一

國民

北川縣志

(三)

民國・楊均衡等 修 黃尚毅等 纂

民國二十一年石印本 八卷首一卷

北川縣志卷之五

兵防志

北川兵防志小序

昔岳武穆作寶刀歌贈吳將軍南行云噫嘻平蠻易自治勞卒犯

市肆馬蹢躅永苗將耽驕憤士狙貪饕虛張因戡妄邀金貂使君一

一試此刀能令四海烽塵銷是治兵必先自治也傳曰兵猶火也

不戢自焚民猶水也載舟覆舟在易火在水上為未濟故老子戒

佳兵水在大上為既濟故孟子重保民立乎兵民之間而調濟水

火之用者厥為縣長縣長得人則兵民相安而無上下其手之偏

此唐段秀實知邠州必兼都虞侯

今之軍事總

始能壓服強暴也北川

地控羗氐昔多跳梁之虞故自唐設縣代有重兵所以備不虞禦

外侮清代自雪山奏捷歸入版圖民國以來屢遭匪患竟有棄置

不守者如此江山坐付人良可歎也現在縣府訓練民團內清伏

莽外慎封守地方粗安然安不忘危有備無患負守土之責者必

以是為兢兢焉述兵防志

兵制

唐制貞觀初州之險要者設府是謂府兵置折衝都尉果毅都尉

長史兵曹校尉等官簡鄉子弟為兵有三代遺意至張說主召募

更彊騎而兵民分軍政一變然鄉勇土團用之輒效則猶府兵之

制也德宗貞元末韋南康鎮蜀大破吐蕃而置威番柵於石泉以

為之蔽設兵守之猶是石泉之土兵也

宋制有禁軍廂軍禁軍者收天下勁卒列京畿征伐率從中遣故

惟三司率禁軍州郡止有廂軍嘉祐置威果指揮而大郡有禁軍

矣元豐升雜節指揮而禁軍滿天下二軍初皆更戍在蜀者戍

在楚者戍蜀習險阻也情則禁降為相勤則願升為禁示賞罰也其軍官有總管鈐轄司正副總管等員都監監押都巡檢諸職此宋軍政之大畧也政和七年詔改石泉為軍設兵衛要其典兵官即知軍事者

宣和四年詔茂州石泉軍舊管子第番土守把不諳射藝選施黔兵善射者五十人分任教習候精熟日遣回

按政和六年瀘南安撫使孫義叟奏邊民冒法買夾人田依法盡拘入官招置土丁子弟二千四百餘人令自為守把上從之是時諸軍參土丁子弟亦唐土團之遺制也

元制典兵官視兵多寡為爵秩長萬夫者為萬戶長千夫者為千戶長百夫者為百戶長世祖時頗修官制內列五衛外則萬戶下置總管千戶下置總把百戶下置彈壓以樞密院統之諸路有宣

慰使都元帥三人同知都元帥二人僉都元帥府事二人以總軍政其大畧也

按元史云元以軍機重務漢人不閱其數雖樞密近臣職掌軍旅者惟長官一二人知之

中統五年升石泉軍為安州隸成都

按元史上都屯戍士卒皆在西川而戍西川者多隆興西京軍士轉輸不勝勞費至順二年始更正之是石泉屯戍之卒皆由徵調至是始復土著其典兵官皆無考

明太祖初置十七衛革樞密平章元帥統管萬戶諸官號而覈兵五千人為指揮千人為千戶百人為百戶皆官也五十人為總旗十人為小旗皆軍也天下既定度要害地係一郡者設所連郡者設衛官皆世襲置總兵叅將遊擊以司攻守而都指揮使司領衛

所是為都司洪武二十六年共計天下都司十有七內外衛三百二十九成都有左右中前後五衛其在川西者為茂州衛松潘衛天順四年羌番攻劫石泉始築關堡諸城而以茂州衛軍百名成都後衛軍三百名各帥以官相兼防守而石泉屯戍之兵始此矣正嘉間番盜猖獗朝廷西顧增設重兵撥之本省州縣因置石泉守備司文職兵備一員提督大印安縣永平壩底等關堡武職守備司一員行都指揮事清代康熙二年設營把總一員兵二百名

三忽一微以上共領銀一百四十三兩六錢九分三釐三毫三絲三忽一微戰兵十名每名每日領餉米銀五分九釐四毫合計十名每年共領銀二百壹拾叁兩捌錢肆分月小扣除遇閏加增守兵四十名每名每日領餉米銀四分三釐七毫合計四十名每年共領銀六百二十玖兩二錢捌分月小扣除遇閏加增以上戰守兵領銀八百四拾三兩一錢二分俱由龍安營轉領撫夷一員每年應領餉米大小馬乾銀三十六兩

防守縣治及各汛八年添設守備一員撫夷一員馬步戰守兵二

按撫夷以行陣兵丁功加為之委於提鎮彈壓青片番塞訟獄

百五十名雍正二年移守備一員兵二百兵^名於南坪營石泉留專

仍歸邑令乾隆二十五年撫夷攬理詞訟為松潘鎮訪照

撫志

防把總一員撫夷一員以壩底兵五十名歸本營分防塘汛其器

附民壯

械兵餉領於龍安把總一員每年俸新銀三十三兩六錢養廉銀九十兩例馬二匹大小馬乾共銀二十兩零九分三釐三毫三絲

舊謂土兵俗稱攢丁明制衛所外郡縣有民壯邊郡有土兵宣德元年以四川伍籍空虛籍民兵編保甲有土丁民壯之名宏治二

年立發民壯法其制益詳石泉民壯之數巡視鄉勇七十七名輸
戌鄉勇共一千貳百五十七名清代縣皆有兵兵皆土著與前明
屯戌之卒發諸他邑者異無鄉勇之名而得土團之用法為盡善
又益以民壯石泉額設二十名

邊防

通志謂蜀控西北夷漢通楚道初牧關而繼騁戈唐禦土番始前
驅而終反噬宋之烏蠻羅苟熊趙策勲明之播州水西楊奢肆虐
狼嗥獠突叛服不常防宜急矣北川地接羗氏歷代以來邊政井
井事可稽焉迄遜清至民國武備之脩籌邊首重志北川之邊防
直可作陸忠宣備邊何承矩安邊觀矣

種類

白草者吐番贊普之遺種也明初十有八寨萬歷間為二十八寨

疆域

清代編戶為民凡四十有八寨青片之番有上五族下五族上隸
疊溪土司下隸茂州何土司惟中十有一寨隸北川

白草壩在夷之西北東至馬頭嶺漢地界距縣城八十里南至開
坪鎮漢地界距縣城五十里西至青片距縣城壹百叁拾里北至
呷竹土司番界距縣城壹百陸拾里青片壩在邑之西微東至白
草與盤背界距縣城壹百四十里南至黑亭頭漢地界距縣城壹
百里西至鐵溪盡一堡松潘界距縣城二百五十里北至上五族
茂州界距縣城叁百貳拾里

白草河東

乾竹溝 臭蒿坡 桑柘子 縣樹嶺 蛇溪溝 野豬窩 鍋鏟灣
客色嶺 壩地坪 牛坑上 白草壩 大坡底 則都邑 谷鐵灣

走馬嶺 磨盤寨 張村咀 三家溝 白羊寨 景錯 水巨坪

附
黑亭頭

白草河西

茶園坪 大閘子 栗子園 火草燈 廟頭壩 安邊寨 昔爾卦

肉爾卦 馬鹿坪 小桃紅 牙地寨 相灣寨 大桃紅 隆藏寨

鐵索寨 大灣寨 小椒園 大椒園 趙代寨 道色寨 外白寨

太白寨 大留寨 老周寨 桑江堡 山茶堡 搭花寨

青片河東

照水寨 高雞寨 吳錯 茅草嶺 昔蟻窩 小鴨渡 大鴨渡

兒巴啦

青片河西

碧柘口 魚獨嶺 大坡 公淮 獨立堡

戶口

白草河東番民一千六百四十七戶河西番民一千五百七十七戶男婦共一萬八千三百八十四丁口青片客民二百三十五戶男婦共七百五十七丁口番民一百三十五戶男婦共三百七十一丁口此錄舊志清末番民同化戶口遷徙不常錄此以備參攷

紀事 以下全錄舊志

縣設於唐而吐番於唐最強陷維嵩逼瀘北大帥李晟韋臯先後大破其軍李德裕節度西川作籌邊樓欲取維州不獲舒其志而軍威所懾氏羌震恐內地倚為長城比宋訖元僅知竊窺之方予以徽侯之爵至佩金玉印者相望於道而州縣俾得小康然養靡而潰至明世招徠極矣朝廷用大師始得勒平夫松潘威疊北川門戶而北川又安綿之門戶也諸公經畧石泉不遺餘力特作於

篇作峴山之片石云

明洪武間松茂諸蠻叛御史大夫丁玉討平之按朝命於東路設

四安撫司曰八郎曰麻兒匝曰芒兒者曰阿角寨與麥匝者多等

一十七長官司俱隸松潘衛南路設長寧安撫司與岳希達靜州

隴水頭三長官司俱隸茂州疊溪衛即二長官司隸疊溪千戶所

立首領為土司以世掌之石泉番若有土官當在此時十一年置

茂州指揮使司以指揮楚華將兵三千守之

初茂州權知州楊者七及隴水頭靜州岳希達諸土司來朝貢

使復守其地十有一年四川都司遣兵修濯縣橋梁至陶關汶

川土官益道貴疑之率眾阻道都司遣指揮胡淵童勝等統兵

分二道擊之一由濯口一由石泉士卒奮擊大敗其眾兩軍遂

會於茂州楊者七迎降以者七仍領其州詔立茂州衛留指揮

楚華將其守之十五年者七復叛捕斬之盡徙羗民於域外

景泰七年蠻長王永煽動上下五族拒南路刑部侍郎提督松潘

軍務羅綺殄之

松潘土番王永殺其土官高茂林男婦五百餘口及故土司董

敏子伯浩等二十餘人糾番蠻攻擊侍郎羅綺與指揮周貴等

直抵桑坪永等誅滅綺內呂設按察司副使二人整理二路兵備

天順四年番寇攻劫縣治出沒爛柴灣魚灘子等處烽火及於安綿

衛指揮曹敏以聞鎮守泰將周貴都指揮李文會同副使劉清至

巴相度城垣闕隘

二年番蠻截糧道入龍州安泉等處松潘總兵許貴會兵平之

成化二年白草番寇龍州境時鎮守太監閻禮奏松茂疊溪所轄

白草壩等寨聚眾五百人越龍州境剽掠

四年白草壩諸番寇安縣石泉

時閭閻亦聞於朝緣各軍俱調征山都掌蠻致使指揮王環備禦不謹番蹂內地命副將盧能勦之能遣指揮閻斌巡邊至廟

子溝番賊三百突出殺傷士卒斌以失機逮治

十二年蠻寇邊巡撫張瓚討平之

初按察使林璧奏請文職重臣提督軍事乃飭巡撫四川張瓚

並理邊務瓚至軍審度形勢改太壩舊設副使於安綿而令副

總兵堯茂軍松潘參將孫嵩軍威靈為夾攻計脩河西舊路十

四年攻白草壩西坡禪定數大寨斬獲無算徇茂州疊溪所過

降附抵曲山三砦攻破之再討平白草壩餘孽先後破滅五十

二砦賊寇皆殲餘一百五砦悉獻馬納款諸番盡平留兵戍要

害置墩堡乃班師

德二年茂州靜州土官節貴節孝合番眾叔安綿等地

節貴父子糾合隴木頭土舍日只及本寨羌番細書的靴西勒等由茅香坪神溪土門桃坪後山小路突出睢水關徑達安綿

二縣關堡劉營燒燬民房劫掠不可勝計

二年青片白草若羅打鼓蠻等三圍壩底堡都督何卿擊之

按嘉靖二年都督僉事何卿出鎮松潘時石板石泉白印青岡

等堡皆棄不守官軍併戍壩底鄉至始復舊規十二年土官節

貴糾合隴東十二寨遠連青片板舍白草壩白若羅打鼓等寨

生熟番數千人從桃坪後山徑趨壩底堡環攻三日後七日最

後一日凡三次燬四山民居百餘家男婦死者無算卿禦之而

中流矢先遣銳卒朱朝用等截殺斬首十級復鼓勵邨民軍民殊

死戰斬獲甚眾蠻以木為巨櫃庇身挖城幾崩卿以石臼從上

擊之柵破蠻死乘勝擊之遂奔潰

十四年春正月白草壩蠻屢寇壩底堡都御史馬美檄都督何卿
擊敗之卿率部伍併募邨民以精甲八百人取道桃紅轉祭所過
碉砦皆毀之斬級八十有奇蠻竄匿走馬嶺官軍劄營五日師次
方田地而還

嘉靖十一年白草番寇壩底都御史宋滄討之降其眾諸夷獻侵

地二十頃

按通志名宦傳載宋有臺東勦真州劇賊招降數萬人西平白

草番納款以勞卒於軍蜀人無不悼之公築平番赤土二堡何

總兵亦以兵至固其事之人也迨河內名公已卒及平番堡陷

何還鎮乃還平番於二里外營盤地更名永平又改建赤土堡

於前坪改名復土成歸咎於前謀不善豈公建堡時何諫之歟

折事後始知之歟

二十三年番蠻逼龍州河西村民被掠

二十四年白草蠻攻陷城堡民居被殺掠

二十五年白草壩番陷平番堡明年劫石泉羊角白泥大方等處

巡撫張時徹都督何卿討平之

按何卿於二十三年以北警召赴京營平番堡提督指揮邱仁

無備番眾數千突至攻陷之執仁等數百人軍民商賈遇害者

以千計副總兵高岡鳳被劾署巡撫王大用巡撫張時徹巡按

袁鳳鳴交章請卿還鎮二十六年卿至汰冗兵二萬提銳率九

千人會時徹討之以三路進兵一由龍州一由石泉一由壩底

卿乘霧直趨走馬嶺大破之擒渠魁黑煞李保白虎撒哈等倖

斬九百七十有奇克營寨四十七毀碉房四十八百七十獲馬

牛器械儲積各萬計先是議兵四萬人糧四十萬石卿裁革過半亟寢輸輓民困以甦自威茂迄松潘龍安夾道築牆數百里行旌往來無剽敵患卿素有威望為番人所憚前後蒞任二十四年民戴之若慈母其去也為之立祠

張東沙平番善後事宜八條錄其二其畧曰一撫處漏殘以固藩籬各番皆巢穴既掃盡滅遺育勢亦不難但理奴砍豹誓還地土

認辨糧差似可憐憫况白草外卽黃頭後水興勒都惡種所以不

得肆患於內地者以白草為之藩籬也若盡殄其類則無復障礙

且將勞官軍而守虎狼之穴為患更甚議將十八寨各立牌頭認

守地方仍立四保李從新為酋長先年賞賜盡數革去又番中鹽

布仰賴於我於三路大堡之外空地交易嚴禁低昂強買及擅入

番寨者則竊縻有方也一約束土官以備緩急龍州宣撫使等之

設子孫世襲乃棄其弓馬恬於膏粱以沈酒為生涯用奸人為羽翼無事則賣土兵以納稅錢有事則盜軍錢以充費索號令則偃蹇不從提究則藏匿不出如此不懲後患何極請勅兵備守巡及參將等官嚴加約束如有不遵輒則罰治重則提參再照今次征勦多土官坤兒卜父子出力後有警變隨宜調遣三長官司兵一足當什以夷攻夷事半而功倍也

四十四年龍州宣撫使薛兆乾拒命伏誅

明初龍州薛文勝來降命仍知龍州宣德九年陞龍州為宣撫

司以土知州薛忠義為宣撫使龍州者漢陰平道也宋景定間

臨邛進士薛嚴守是州捍衛有功得世襲自文勝歸附其部長

李仁廣王祥皆輸餉有功亦得世襲及宣德中陞州為宣撫使

使仁廣為副使祥為僉事各統兵五百人世守白馬白草木瓜

番地至嘉靖四十四年宣撫薛兆乾與副使李蕃相仇訐兆乾
惡眾執蕃父子毆殺之兵備趙教勸其事兆乾懼其母陳氏及

諸左右糾白草番眾數十人分據各關隘拒命絕松潘糧道脅

僉事王華不從屠其家居民被焚掠者無算是年春與官軍戰

不利求救於上下十人族不應兆乾就擒伏誅籍其家母及其

黨二十二人皆以同謀論斬餘黨悉平遂改龍州宣撫司為龍

安府設流官如馬湖而割保寧之江油成都之石泉隸之

萬曆五年番蠻犯松潘巡撫王廷瞻副使楊一桂總兵劉顯勸之

殲其魁羣蠻納款

廷瞻處置風邨白草投順等番疏云萬曆之七年三月初一日

據安綿兵備黃德洋據石泉縣報稱熟番全保等說各番不曾寫

藏丟骨人荒沒舌三寨蠻子

據屬松潘

今與齊風村頗等十一寨前來投降

願做百姓隨帶番牌兒十書餓柘等譯又據守備宗綬呈稱熟

番羅皆報稱白草野堵等一十七寨生番齊心出甲馬器械投

降望賞白旂任守地方等情審得二十八寨男婦八千四百九

十四口仍行各官譯審俱願更換姓名每年萬壽聖節長至各

番俱叩頭每寨輸蠟以供灌燭之用等事僉事黃德洋議得各

番於嘉靖二十二年僭稱偽帝及李保將軍黑殺總兵等號致

煩征討一旦回心向化誠是奇事巡撫王廷瞻巡按余懷忠看

議風邨白草等番素恃虎負常逞鴟張盤踞各番之中密通會

城之地部落既眾控馭為難因松潘三寨鵬勒投降又威茂諸

羌蟻封納款一旦傾心甚眾願為編氓而變易番姓從習漢儀

此二百餘年蜀川之所僅有者也奏八奉旨黃德洋先行賞賚

通判李茂元仍以都司職銜管壩底事專一撫化番夷其風邨

白草等番收入石泉版籍當番人之請降也副使使邑令李茂

元受之俗因首無冠茂元具漢官易其姓名書冠間屈日啟軍

門鑼吹數部樅樹鼓大鉦令諸番魚鱗入羌聞鼓鉦望見漢冠

及朱杆彩旂乃大喜舉足盤跳舞歡呼震天茂元出漢冠冠諸

羌諸羌跪起各互視其首踴躍東西走既而又跪捧其首以謝

顧歲輸蠟元日長至赴縣庭朝賀塞樹白幟削木祝聖壽又故

事諸番歲有賞賚番恃強要索無已其來堡也有下馬上馬解

渴過堡酒及熱衣氣力偏手等錢戍軍更番亦奉以日新班架

梁放狗灑草掛綠名目廷贍一切除之皆帖然後楊柳番寇番

安近白草朝廷疑之乃絕穀粟往來願會蓋蠟以明不反兵備

周嘉謨白其枉番民永靖知王公之遺烈遠矣清初蜀為流賊

張獻忠所據尋伏誅邊夷乘機蠢動火兵所至削平諸番元惡

既誅望風歸順諸大僚經紀勲畧銘諸旂常其及於石泉者登之

順治九年總兵王明德與明裨將曹洪張玉柏戰於曲山關又戰

於曹山坡大破其眾擒安縣道詹天顏

順治九年明營將詹龍安題營賞奉明水眉主弟為偽秦王巡撫李國英還函報云

北功關不丁國周王時明攻之戰於鐵蛇關營賞敗走清兵追至文縣營賞走階州清兵追及於平洛解擒營賞斬之偽秦王投紫水河死明副將朱化龍往援營賞聞其死遂謀龍安圖英徽總兵王明德征之明營

兵至綿竹直抵賊營大破之化龍欲走茂州與明安縣道詹天顏合留裨將陳龍徐兆文岐鳳周鳳等守正而

矯清兵奮擊遂斬徐兆龍徐龍傳虜數百人奪其橋周鳳文岐鳳等門堡據石礮溝堅要不出求援於詹

大顏大兵與化龍隔水而降明德曰敵人開壘待援我軍坐以俟敵是以寡而待眾也詰朝破敵會食

者軍法從事次日黎明直抵石礮溝大敗之擒化龍鳳等諸降明德釋之解化龍至漢中斬所降

康熙二年松潘總兵何德成勦上下五族番蠻平之

先是青片上下五族等寨生番散居石泉茂州山後綿亘數百

里兇悍自擅不討之日久矣是年正月十七日德成進兵克下

五族寨上五族之番畏威投順願歸版圖合上下五族每年輸

蠟認糧番寨近茂州者貴之茂州隴水土司管東近石泉者貴

土司

之石泉縣唐李二土司管東設撫夷一員防守壩底彈壓青片番羌按番人性耐饑寒壘石築居如浮屠數重人以梯上下貨藏於上富廩在下謂之鷄籠高十餘丈者謂之碉樓凡遇糧夫經行截殺無虛日自何都督王巡撫大創之後青片白草碉樓皆空一望民居皆耕作之土也史稱白草最強通志謂其不通聲教非可以威力制文告諭者乃二百年間馴服漢化漸染華風已大更其陋習更斯土者隨時訓迪之婚姻喪禮將與漢民一體惟是秦楚江左之無籍者貿遷番地或唆訟或肆拐逃此又守斯土者之所當厲禁也

蜀漢諸葛亮平南中不設流官而收其俊傑用之又配大姓焦雍婁量等置五部都尉此後代土司之濫觴歟北川之番於唐曰吐蕃貞觀二年始通中國歷代以來叛服不常至前明而土司設焉清代改土歸流化夷為漢衣裳班斲言語俳離之輩無不感德而遵道土官之去久矣然制既創於前朝事必紀於後世庶讀志者知北川土司興革之由也作土司志

明初奉兩院檄設土司二員彈壓艾林壩底二堡子孫世襲及白草蠻亂官軍討平之以艾林土官任後壩底土官唐教撫番無術黜之擢李世選為艾林土官唐裔為壩底土官仍聽世襲初世選裔及任朝海効用有功故有是擢朝海給衣中免徭役

清康熙二年勦平上下五族番砦近茂州者貴之茂州隴水土司